

樂志堂文集

樂志堂文集卷十七

南海 譚 穎玉生撰

新建粵秀山學海堂碑

昔文翁蒞蜀肇闢膠庠常袞治閩聿脩橫宇亦謂往經頽替待革榛狉於以啟滯而發蒙閉邪而反正若乃生徒濟濟俎豆莘莘旣鱗萃而雲浮更烟霏而霧集猶復因前典激餘風有闡揚景業之觀徒粉飾太平之具兒絲燕麥楊蕡彥既有微詞芻狗望蹄馬貴與原非酷論欲聽聲而察實在正本而澄源此世工詞賦而治經者乃欲名齋亦有堂皇而行禮者別求起屋若我阮大司

馬芸臺師新建粵秀山學海堂其儒肆之津梁學庭之  
淵藪乎惟師南陽鮑德東海劉寬以禮樂爲機籌以詩  
書爲鈴鑰讀齊太祖建元之詔歲稔時和頒庾征西臨  
賀之條法清人貴環林璧沼悉聽弦歌襯帶唐巾胥勤  
講肄精廬遞敞詎分龍節之遙臨棘院重新示厘鵠袍  
之久立徵文考獻重編職志之書舉首掄元迭冠科名  
之錄亦謂陶鈞庶品混一殊風演迪斯文恢宏大道者  
已然而漢廷策偉非關掇拾之多唐代詩工豈獨推敲  
之贊螭坳獻賦方留蓬島之間虎觀談經曾覩渭輪  
之貴使其探源星宿演派滄瀛雖卽海而觀瀾實分河

而潤滄唯此學製之錦豈日濫吹之竿而迺蜃鼎爭操  
虛車竊御窮年雪案守兔園冊子之編寸晷風簷摹鳳  
閣舍人之樣亦復俯同拾芥仰類捨榆此虞溥因而寄  
慨於丹青殷茂所以興嗟于蘭艾也師以崇化厲賢之  
職訂疑今察古之條於月書季考之餘嚴義肆儒宗之  
選謂欲培其根柢則經史之須研謂欲擷其菁英則詩  
文之並重十題具發眾作競投八音列而一縣亦辨其  
鏗鏘五色陳而寸縷亦誇其璀璨及時並了勤無礙於  
照螢竟日未成瘁何嫌於祭獺而且親提玉尺並度金  
鍼宏獎性成品題價重高能備選時參博士冷官異等

誰分半屬儒林老丈遂使百城之俊彥十郡之翹英莫  
不握素懷鉛銜華佩寶璠璵匿采仁琢石而開瑩椒桂  
懷馨待披風而扇發師之法可謂良矣師之志亦云篤  
矣然猶難于其地也經營鴻構聿新羊石之遺基珍重  
璇題暫榜星泉之舊址崇墉美榭豈伫方來北宅南宮  
並爭先覩爰以道光四年秋九月經始於城北粵秀山  
之麓焉嶺駐峯紆巖層岫衍川原開滌林蘊綿濛暢萬  
里之幽情挹三城之秀色天連象郡平看五嶺之低地  
盡蠻江俯眺六瀧之險珠江花月遙接南濠香閣經魚  
近連北郭棉紅榕綠極萬瓦之鱗差渚往汀還度千帆

而羽集湛方生有言嶺舉雲霞之標澤流清曠之氣荆  
藍之璞豈不在茲以今方昔賣其然矣庀材度木掘土  
移山旣因樹而安牕更依泉而築逕虹粉藻枕梁卵梯  
黃槐宮亦遜其岩堯蕘暨仁驚其輪奐卽以是年冬十  
一月落成更於其後築至山之亭闢啟秀之宇不拘常  
憲應踰范甯之臺誰指吏曹更擬蘇瓊之館稷山非遠  
漫肆周遊槐市依然甯無墻屋此焉棲寄實可憑衿矣  
嗟嗟千秋事業惟在名山萬里功名尤爭綺歲吾粵山  
重水複地負海涵非無瑰異之才豈乏騫騰之輩然自  
國初諸老漸慨凋零日下羣英爭誇撰述非不懷文

抱質掞藻摛華而求其下際上蟠兼收並蓄揆以寸心得失之詣許以等身著作之才酌雅而稟經循名而責實雖專長之偶擅已謙讓而未遑則瞻彼緝弧尤藉刮摩之力維茲覆賓須程進止之功也他日者重花比葉勢悉千霄截貝編瑞光咸照月豈悠揚之無自知辟灌之有人而謂登斯堂者能不慨想欒巴緬懷廉范也哉  
瑩羊鶴誰誇葉龍自好望同庾乘參末坐而仍慙學異苻融逞遊談而或詆自憐小草屢藉揄揚深槐朽材難施樸斲斷幸登堂而寄興仍角藝以程能聊綴緝其小言用恢張其盛舉天下之文章在是南中之風會何如待

游太學爲翟子超以刊碑喜識荊州後王仲宣而作記

擬重修南海神廟碑

戊申十月代崑臣中丞作

昔汾陰有后土之祠博縣有岱宗之廟別鬼神於山水  
靈擅古今虔禱饗於春秋尊稱嶽瀆以至浮湘泛澧輒  
經帝女所居分風擘流尤重宮亭之祀瞿塘灘上爭聽  
裏篤之聲中宿石間鑿說扣藤之事莫不愆違福應方  
俗是祈改造經營壯觀相望况乃象通離坎原兼水火  
之權爵視公侯宜錫帝王之號沐日浴月合萬川而與  
同廓氣安流通百蠻而何礙在東西北三神以上敢廢  
禮於四時歷隋唐宋六代以還實冠靈於萬古江波無  
極廟貌赫然海外悅其威聲嶺南蒙其利濟者已維南

海神秩居四瀆之先祀並六宗之古永傳玉簡屢錫金  
幡我

國家乾亨坤慶塵靜波恬擬答豐功敢沿舊典惠仍邀  
平廣利封特改以昭明符瑞益彰莊嚴旣備獅海之畔  
羊城以東是謂扶胥之江舊營洪聖之廟控銀濤兮萬  
里浴紅日於三更黃木灣空綠蘿岡遠靈祠真館不聞  
銅鼓之飛霞宇電庭曾照木棉之豔春猿秋鶴竹日溪  
風雕甍憐彩翠之銷畫壁覩蟲蛇之竄憶兩度曾供祀  
事冀黎同獲神庥實親兒而惕然亟重修而敢緩惟  
粵東山分五嶺水匯兩江梅子雨多荻苗漲滿鳴聞白

馬斯爲河決之徵飛覩綠魚居然海徙之象逆流朝暮  
但見黃牛積潦年時頻來烏鵲屋嘆蟛蜞之上

上屋有西水木棉落花無北風皆粵諺也

逐波臣人驚虹蜺之多爭虞

黎二樵詩蟛蜞

母惟神德本好生能推善下不勞驅鷁業已斷鼈邇來

波浪不興雨暘時若陂塘盡復迭賡黃鸝之謠閭井晏

然潛料青猴之鎖風車火徼獨螺舟而可通鏤軸牙檣  
如鱉帆之遠屆安穩則人知無恙災眚亦民免其魚鏡  
清砥平陸礪水慄獨受休咎禪師之戒毋害生靈無俟  
鍾離大王之言宣新像設已若夫雪贏霜覲寒鱠熟鱸  
漁具難詳釣船如織黃花白飯水村聞老稚之謳名蟹

佳蝦公宴飫江湖之味由來民食並重粵鹽積雪飛霜  
籠光灑燄江上千艘給軍農於滇楚海隅萬竈裕財賦  
於東南若乃鉤頌珊瑚簪玲玳瑁流離珂城火齊水精  
異質詭暉繁采萬色珠還合浦圓明推上國之珍綃織  
泉先輕穩稱麗人之服至於雨番潮急萬頃沙平歲乃  
九登田皆雨熟刀耕火種咸仰節宣之勞食果衣香仍  
需灌漑之力是皆湛恩汪濊惠澤涵濡獨三城被其休  
嘉殆十郡資其滲漉居五行之首實浮載乎兩間爲百  
谷之王僅融結乎全粵者哉說者又謂我國家二百  
年來德耀中夏威暢八荒一統車書兩階千羽文皮

名馬白雉生犀宛然孝子順孫敢爲與國久無烈風淫  
雨意有聖人凡夫頭飛鼻飲之倫一臂三身之類蜂岑  
蛇洲之遠鵠腹魚脊之奇靡不請吏款闕來賓奉土蠶  
爾嘆夷從來合市俗但魁頭露紳人如石蜜明膠鬪似  
猢雞浮同魚鼈見禽獸之孕乳寒暑能知覩羊馬之疲  
羸興亡可想昨乃夜郎自大曰本多矜鶯粟香濃輒謂  
眾人皆醉狼機製巧悍然傾國而來激水若飛船仿楊  
公之舊式背城餘燼師本媿人之強詞朱蒙非河伯外  
孫金護豈女王夫婿不虞落漈業敢跳梁食但捕魚聲  
同吠狗巨礮震虎頭門外獨檣環雞翼城邊惟粵東久

慶昇平頓遭蹂躪各悽惶而避寇爭倉卒以移居尙冀萬全業拌孤注而卒使未經蕩析各保平安貪實愈於虎狼毒難同夫蜂薙亂離旋定勦撫兼施擊楫渡江各奮豫州之志擣戈殺狄終覲駒門之理雖

天討所必加亦神威之默助焉而或且謂語誚蹈虛典期徵寶聞蝦蟆而已幻飛蝙蝠其誰看豈俟矯誣始彰神聖而不知鍾山曾禱草木皆兵郢州有神風濤歛起昭陵助戰鎌馬嘗趨憤王遠征土偶盡溼家仍東武且致黑旗於空中師濟滹沱曾遇白衣於道左載之前史記有叢編又况神之雷霆聽其指揮潮汐生於呼吸桃

重脩河南小港橋是岸寺碑記

夫飛來勝概讀書傳帝子之堂光孝名區註易記仲翔  
之苑衣冠氣盛豔說寶陀翰墨緣深舊聞景泰海幢倘  
議郎之宅嶺尚種松海珠原忠簡所居臺先得月此間  
古刹詎鮮知名一代偉人類多遺跡若吾粵河南小港  
橋是岸寺者道場興廢原極尋恒前輩風流端堪憑弔  
者歟其地也業已隔江猶然附郭挹番禺之爽氣涵滴  
瀨之支流黃木灣通金花廟近畦宜勦藥藜藿俱香女  
競采茶謳歛互答數千里鬱盤之水疊舸單舟卅三村  
來往之人煙蓑雨笠前明何端恪公講學於其間始琢

石以成橋旋誅茅而作宅與張江陵之意忤端合還山  
當嚴分宜之勢張此焉開逕高風亮節史乘詳焉爰逮  
我朝業成梵宇星樓月殿蘿幌松門芳杜遼堵脩篁  
隔牖禪皋顯敞福界周迴芳馨蕪葛之林蕭爽梅檀之  
閣桃花夾岸漁者時來榭葉緣溪樵夫不爨僅存勺畧  
更作輿梁頓改莊嚴依然講序一亭遠眺花承如入畫  
之工列肆旁開檀施帳求漿之願疏鐘清磬藤杖蒲團  
吳制府之碑楊善人之碣所由來矣歲月一燈星霜萬  
劫苔侵畫壁葉積朶廊金碧全非丹青遂古煥華長老  
流天手段掃地家常任各喜其仔肩現竟成於彈指蓋

以道光某年月日疏募重脩落成鳳起鸞浮鶴依龍護  
祥雲旦聚法雨晴霏仍開梵帝之宮更闢仙人之舍王  
山霞采經寶地以徐看鑿海濤巖登紺臺而飽聽嗟嗟  
廬循城圮同怨水仙劉龔園空誰耕花冢經鎖孫之里  
第曾兆龍頭訪郭氏之園亭但存鷹爪卽至草堂故址  
書院遺基本殊人海之喧非復天山之舊亭誰問字迥  
異揚雲座有傳經第援墨子俟龍天之辨始悟滄桑息  
鶩鹿之爭逕參支許往復笑循環之故事闡場待揮塵  
而清言重話鉢緣更論旛義益樹達摩之旗幟同拈阿  
字之機鋒良不必矣然而太平寺院曾寓靈均丁卯橋

莊猶思用晦王官空谷定仍表聖之居彌勒同龕何礙  
遂良之節齊梁棟宇狂簡簪裾苟興復之有人卽流傳  
於茲土故山琴鶴易代鐘魚敢知三教之同原實使千  
春之不沫鬢絲禪榻鄰火村春登浮玉而憶端明過匡  
廬而懷白傅又烏容已夫豈偶然紫垣觀察柱砥中流  
居鄰南雪話布金之餘事證還石之間緣屬綴儻言具  
書前典望慧非靈運才愧簡栖恐文獻之無徵喜神靈  
之兼護本未工於佞佛輒自託於思賢池正蓮開定陶  
公之人社厓非麥積慙願信之銘龕

重脩五仙觀碑文

五羊城爲粵東省治則五仙觀之祀典宜虔已語載圖經事煩艷縷顧五仙人之言曰願此闔閭永無飢饉之虞余竊味其言而知其大有造於斯土也夫粵東早晚種稑水耨火耕夙號雄田恒稱豐國禾原九熟稻有三時地豈汙萊野無與草然而爭陶侃之船購自粵西敝衫班之門資及海外則以五方冠蓋百蠻驥琛仕宦簪裾卒徒弓劍儒生簪蹻估客帆檣工匠精能倡游媚同作寓公而至止卽煩巧厯以難稽以至蕉埠桃林菱汀蓮渚里結荔枝之社戶闢檳榔之園橘洲可租花田

無稅又若藤箱果箱之所薈香市藥市之所儲甘蔗釀  
糖油葵作扇燕南趙北楚尾吳頭越裝出十字之門  
貨販三巴之寺依然游食夫豈力農方虞巧婦之作炊  
可學羣仙之辟穀邇者魚苗水漲燕子田荒疊乘爪蔓  
之潮未缺桃花之米又值重溟毒霧窮島妖星銅礮習  
聞錦帆竟去大兵之後依舊豐穰故老所傳如聞肸蠁  
定知靈佑豈曰人爲允宜酌金爵以導蜺旌吹玉笙而  
迎鶴馭觀修於雍正某某上雨旁風兼年累載靈祠真  
館本多瑤草琪花月地雲階漸有兔葵燕麥楚江上公  
作鎮五管祈年列仙仰答神庥俯從民欲誰呼庚癸實

仗威靈卽鑑丙丁仍煩保護用是畧因遺構重建福庭  
絳闕排雲丹臺照日堂成眾妙才非玉局而題詩殿築  
三清學愧容齋而擬記若夫羊石故迹比唾盤而成鯉  
同翦紙而作驢亦有因緣依然游戲至謂樓鐘闡如池  
水恒滿類足發抒文采增飾詞章揭碑版以曾題奏神  
弦而誰屑斯觀祀典遠同雷祖近比雨仙此亦先農之  
靈居然方社之祭何必種桃作飯共嘆靈奇仍思擲米  
成丹咸登仁壽轉笑菖蒲方士艷說飛昇迥殊禾穀夫  
人見新語宜勤報賽者爾

柵頭新建花神廟碑記

柵頭在羊城以西鷺潭之側素馨田護黃木灣通居民  
以種樹爲生家世以販花爲業環汀往渚霏紅雨而列  
村單舸疊舟簇香風而合市闋時成歲無一日而不開  
比戶皆春笑萬花之作會笠簷蓑袂往來則艇小于鷗  
扇影鬢絲時節則人多如鯛食香衣果刻翠翦紅茹芝  
草而耕烟補梅花而鋤月谷原錦繡坊比壽安古有花  
王久宣廟祀爾其真靈位業花草精神如宋單父曾謁  
上皇事魏夫人合稱弟子或同看玉茲或競采金蓮待  
踐陳泥旋成香雨功參造化不勞羯鼓之催數仗轉移

仍俟朱旛之挂羅胸列宿兒女青紅著手成春乾坤寒  
燠種均碧玉擲盡丹砂散似維摩笑同迦葉前身明月  
莊嚴冠十種之飛仙誕日仲春噓吸與百花而共命維  
此遠連小港近接芳村豔比馬塍闊於蠶市羣仙高會  
便當酒田萬井耦耕也供香稅探春買夏較穡事而更  
繁課雨量晴署花農而特雅固宜禮視少姨畫同聖女  
春蘭秋菊共譜神弦翠柏蒼松各分像設洞庭去住蘿  
蕪勺藥之生澧浦芳馨薜荔辛夷之薦夫山祇水怪且  
創新宮里社村田迭脩遺廟或致風雷之變或依木石  
之靈酒壚則供有杜康茶竈則祭先陸羽豈可若雞棲

豚柵偶賽紫姑月駕驤軒遙參玉女脩廢舉墮崇德報  
功同所願矣茲者丹楹門日香宇排雲伐石七星之巖  
庀材三水之縣黃衫角扇宛然宮掖之粧綠帔寶冠足  
挽星霜之劫謂似蔣侯弱妹合居處乎青溪冀同鮑姥  
散仙永留貽乎丹寵屑學古裳危鬢吟傳梅子初黃迴  
殊茅屋土牆到認荆花獨紫者矣慶壽藤之老大頌慈  
竹之平安相沿父母之稱見花王父母新語但涉園林之趣風

風雨雨颶鳩先鳴歲歲年年海棠依舊屬疏短引用勒  
貞珉七洲之烽燧全銷五管之鶯花無恙曉月初墮剛  
開白蓮寒泉一泓同薦秋菊庶使巫山臺下奠爲靈草

之精魂敢知潛穴堂東謂摘異花而祈請

洗夫人廟碑

嶺外站薦之隅水絕壤限恆稱豐國夙署雄侯中原有  
陳項之虞瀕海構孫盧之禍亟絕新道任囂之所屬焉  
遠事僞庭劉巖之所恥焉蠻夷大長遽稱南越武帝蕭  
閑大夫焉仕洛州刺史迨至神旌載討孤壘始降虐政  
靡常民糜爛已梟雄恣睢矧曰蠻酋鬚眉窺伺況諭巾  
幘乃有娘子軍興迭摧狡寇夫人城築永奠巖疆不煩  
楊僕之船旋抗竇融之表叛亡撫於百粵循忠紀於三  
代夐哉夫人獨有前古俎豆戶祝宜特隆焉夫人姓洗  
氏吾粵高涼人也銀簪舊俗叩銅鼓以祈靈金屐餘威

揭繡旗而習戰守如蘇定誰云怨怒所歸兄若李波寧致公私之患羅州刺史馮融爲其子高涼太守寶聘焉親織薄以作屋時送租以入城楊大眼竝將軍詣省談笑自如黃崇嘏攝司戶參軍吏胥咸服當斯時也臺城已陷海內騷然公侯皆度嶺而來豪傑作勤王之想陳武帝方謀義舉豈屑霸圖本無割據之心未愜澄清之願蘭欽以削瓜遽死蕭諮以輸賂始還王琳欲鎮武寧而旋徵孫瑒先據番禺而卽乘元景仲之謀終令自殺王懷清之亂豈甚難平顧未同盟始猶莫謁勃非上授內豈能安使夫人分元女之兵符建平陽之幕府高歡

則婦堪擊賊石勒則妻能佐軍貲產偏如海曲豈爲復仇智畧足竝碭山何妨與議侯號雌亭軍圍壯女象頭屢聞轉戰麓冷亦足稱王服領以南指麾可定顧思安輯獨塵逋亡劉遐議應田防密謀燒甲龐娥非誅李壽亦令帷車走強寇於寧都會興王於灤石知眾心之所向屬所天而厚資非遇苻丕不僅履行而自守敢除劉裕早知瞻視之不凡執桴鼓者斬王之妻賈環珮者虞潭之母紇雖見誘僕亦終還固不必斬崇諫逐懷恩而已羣欽天女之城共識宣娘之壘許叔冀之營果毅曾補王君奐之婦武威特封詔使所褒中外榮之洎乎木

棟江投燕支井殉方隅阻絕叛服趙趙馬靖旣誅王勇復卒始有南康之暴繼聞方慶之戕甯猛力之府謁何憑樊子蓋之地圖莫奏林士宏欲盡南海王萬昌漸起朱崖夫人夙御強兵儼居列岳固疑其褰裳逐馬引弓射鵠攘袂可絕秦關投鞭足斷灘水罄家財以募士卒命婦以乘城聖女旗翻美人虹起淬鱗洲之雪日本刀光射鼈島之潮媚珠弩勁亦因利而乘便竄越次而妄據者焉乃復迎韋洸斬徐瑩會鹿原之軍仲宣可敗繫孫暄於獄佛智終禽實知廢以知興敢不侵而不叛拔刀而斬岱地靡兵而逼子琳晉王圍汴當訴朝廷太妃

守揚悉厲文武遂使蠻花狡鳥爭舞蹈而來王木蟹板  
猺竝羈靡而勿絕且也衛裴矩宣詔而首領環來遣張  
融上書而總管旋殛中軍統領如標護國之旗謁者期  
門遠送和戎之節夫死誰如張茂仍詣闕而上書每年  
幾若顧琛尙執堅而破陣綸巾錦袴請拜朝臺金燈玉  
珂時巡遠徼寵賚之優前史復志身名俱泰智勇克兼  
嗚呼奇矣彼有黃屋左纛竊帝號以自娛寶貨名香請  
王封而不許亦當擾攘之秋潛萌僭竊之念逞桀黠之  
小智幸傾圮之大災卒之後嗣覆亡黔首幾盡雕璫莫  
保孔翠徒珍何智慮竟出夫人下也漢唯衡山明有東

莞夫人軒輊其間殆無愧色而閨閣之輩尤覺其難蓋入中朝代爲牧伯楊素奇其所論魏徵決其自來盡此矢而勝負可知却兜鍪而渠酉竝識五世之業能荷越王之號不聞指雲亦寓兵機舸金誰如俠骨蓋夫人之貽謀者獨遠爾粵人歲時膾臘蕉荔丹黃茅烟靄雨共譜神弦蘆管匏笙漫無碑版用書偉績揭彼崇祠固不同湘水波瀾青溪軌轍雲車颺馬遙伫伏波之營碎珮叢鈴乃曰表忠之觀英雄兒女伯業臣心戈矛森然疵癘不作河山如故精靈通塞將之祠松櫓猶存霜露過兒娘之廟

擬廣州北門外明季紹武君臣冢碑

夫興周者宣王有方召之雄畧復漢者文叔惟馮鄧之  
軼材靈武遽定關中將推李郭紹興偏安江左臣多岳  
韓若乃趙氏三忠宋末二帝仍莫不剖心泣血懸膽披  
肝開誠布公致命遂志是以壽星塘圮遺民修永福之  
陵全節廟存奕世紀慈元之殿又若愍帝攢宮與田妃  
共原寢史公荒壘遺愛將作兒孫話前代之興亡供後  
人之憑弔從未有君非撥亂返正之資臣無扶危定傾  
之術惟知擁戴各極猜疑嘗瞻不聞駢首就戮猶致神  
靈之呵護彌增父老之謳思者也然而旣閱四旬誰立

君而敢貳苟存尺地宜殉國以相從異後主之昏庸號稱安樂愧彥回之明德壽享期頤則編茅屋以祀昭王經竹林而思寇準固其宜已廣州北門外明季紹武君臣冢者唐王聿鏗與大學士蘇觀生死後同葬地也聿鏗以孱王出走太弟誰封業宗社之既亡更諸藩之爭立有夏之眾一旅同輔少康獻公之子九人復弔重耳永明王由柳已監國於肇慶偷序較宜後先當讓社稷爲重且薰丹穴以相求兄弟無尤合泯闕牆而共禦煎何太急永念東阿之詩擢亦良難均學阿豺之箭顧乃言多忌刻問且回旋湯孫之撻伐不聞曠林之征討日

構袁尙不睦莫致劉景升之書蕭譽未誅且研王君才  
以効彼蘇觀生者官非科目豈合時宜人本下中鮮聞  
將畧呂端大事亦儘糊塗蘇季顯名類多權變召卿使  
著黃襪乳母恩深作相縱換白衣山人望淺英宗北狩  
果仗于謙元帝東遷誰如王導卒使平安屢報瞬息偕  
亡策詑銷兵儀修視學以空談爲廟畧任債帥作邊材  
棘門霸上之軍本同兒戲李揖劉秩之輩實總師干更  
無久參白鶲奮擊而俱墜可似前生青兜大聲而疾呼  
田橫不來莫放竟縊達官早怕王孫自哀是可傷已故  
或且謂渡江擊楫空具壯心同室操戈定遭慘變餉饋

惟齊於盜賊冠裳輒假之優伶沒矣忽焉地惟墨子曹  
髦感慨或書刺虎之圖湖廣中庸幾戀牧豬之戲談先  
齒冷見第心傷而不知文帝令主且興尺布斗粟之謠  
藝祖崩時却致燭影斧聲之謗沙陀賜姓原許翊唐元  
德疎宗均當纂漢使其才足匡時謀能定國永奠偏安  
之局猶然再造之勳將見銅馬帝尊不必復臣更始元  
武門啟何礙先誅建成班師亦有金牌恢張 帝綱畫  
河非無玉斧定闕 皇輿蓋以微子存商仍當客禮子  
房覆楚例享侯封業既紹乎宏圖復奚疑於慚德而固  
不然也嗟嗟笑舉棋之不定問當璧其誰憂君非孤注

而益危臣總一籌之莫展偷安旦夕粉飾太平仍多跋  
扈將軍能誅梁冀果說風流宰相惟有謝安常棟孔懷  
誰誦肴令之語南柯若夢恍然蝶蟻之緣枯魚同泣以  
過河老龍直卧而當道數錢特工於姪女用印必倒乎  
司農鶴蚌相持於岸旁燕雀同處於堂上以視永明王  
之揩挂艱難流離瑣尾者轉若瞪乎其後焉猶幸臣拌  
死繼君不生降遠不愧於高皇近無慙於猶子雲車飈  
馬霧閣星營不聞玉樹歌殘同殉燕支之井早笑紅雲  
讌罷惟說素馨之斜視死如歸相依併命昇仙太子愴  
絕王喬賜爵通侯居然才壺諸陵何在千載如生橋下

流花可有銀濤之怒道旁芳草宛然碧血之留登臨者  
於以歛歔考隲者因而躊躇矣嗚呼曠水殘山誰記一  
坏之土斜簪散鬢相攜六尺之孤較南宋而倍難紀後  
唐而不必漁樵閒話村店酒旗嶺海劫灰山城畫角孤  
忠一例何慙箕尾之騎壯志未平疊鬱風雷之怒耕鉏  
誰及職志當書者已僕南園讀史北郭尋詩剔蘚留題  
獨說任囂之古植花酌酒未如何點之高的脰烏啼黃  
牗馬駐頻經荒冢輒動悲吟擬勒豐碑永留遺迹紅棉  
幾樹寒菜一畦外舳中艤可學厓門航海玉魚金雁不  
如劉氏陵山歌山鬼兮帶女蘿薦水仙兮折秋菊隱囊

紗帽歸從蔬菜之湖鐵馬金戈倘憶榴花之塔君臣一  
體如經蜀相祠堂靈爽千秋重讀孝陵碑版

順德龍山鄉重脩肇洲左公祠堂碑記

昔工部古風樸甚所欽同姓泉明令族眷焉允構斯堂  
祭以大夫禮終求仁者之栗脩其祖廟考室誦斯干之  
詩源遠流長宗生族茂聖人以教宗祧是設君子將祭  
營繕特先已我廣州順德龍山鄉肇洲左公溯咸淳之  
舊聞自保昌而遠徙隱德弗曜靈光巋然曾推抑符端  
屬主戶嗣以穀租稟稅細役煩徭納郡送臺徵村切里  
猶然單迴所在逋懸特詣縣辭焉蟬冕相襲以迄我  
朝漸裕口錢轉贏戶課特令版簿之創誰憚 輸穀之  
行講讓型仁報本返始後乃建專祠於獨岡之麓焉文

正義田公輔作記潞國家廟君寶撰碑羅浮布衣陳君  
恭尹曾泚筆以紀其事歲序綿邈風霜凋零喬木僅存  
芳草如積復苦容膝之隘益非彈指可成遂輾轉以彌  
年更諮詢乎合族畧仍 國版誰耕燕子之田迭計人  
貲並屬藤花之戶雲礪譜在未妨分列祖之烝嘗子母  
錢同直任竟十年而來去復見自將脂炬寫書本有餘  
資日坐室衝擊鼓未嘗會食遂使文翁室敝石相祠成  
指青山而識謝家撫佳樹以思劉尹礪石作主彷制度  
於擎虞置田立廟酌禮儀於蘇頌羞繁薦韭割豕烹羊  
葉總歸根筭萼生外語曰尊祖故敬宗敬宗故收族其

斯之謂歟昔王珪致時祭於寢宜被譏彈蘇洵以族譜  
名亭猶聞諷刺茲幸兩無之也艱難時局始酌醴於春秋  
援據古碑有出錢之名字某生隔元明之代幸接朱  
陳之村辱委不文謹徵緣起此日獲交員外合成花樹  
歌詞他年敬詣武梁遍拜聖賢圖象

西關文昌神廟祝文

代

維神大文彌耀景運逢昌七星建福六府延光眾神選  
署八序分行戴筐紀漢解劍徵唐曾傳孝友亦富詞章  
人司陰隲天集禎祥元精象布永庇吾鄉西園翰墨南  
海冠裳佳辰復邁祀典虔襄猥言桂籍謹獻椒漿宰官  
身現科第名香尚饗

省闡增修號舍落成祭文昌祝文

代

維神天地至文陰陽清氣道鑄古今光涵象緯代顯英  
靈權司富貴星精永耀廟貌重新落成吉日肅展明禋  
萬間同庇一第前因詞翰飛騰科名翕赫靡答元功伏  
祈昭格尚饗

卷十七

樂志堂文集卷十八

南海 譚 穎玉生撰

祭蝗神劉猛將軍文

代

夫作憚昆蟲夙致伊耆之祭害除蟊賊實煩田祖之靈  
民雖分別且緩勸懲神卽外來仍司豐歉載牲擊鼓朱  
竹垞謂彷彿年脩德反身陸桴亭言宜改過維將軍職  
是蝗神官猶幽氏姓名符於漢代豈卽其人祠廟徧於  
吳中未詳所自考宋景定揚威侯之赦原屬勲臣證王  
文簡居易錄所書又名莽將事惟師古方可救時神旣  
弭灾亟宜設祭騶昔吾粵實鮮蝗蝻溯自前明正統六

年辛酉以迄我朝康熙十年已未二百餘載職志偶書閭閻誰識乃今旱潦頻仍瘡痍未復縣無何敝官豈鄭宏入地誰遭蔽天忽至踰池渡塹越嶺浮河食牛馬而不妨化魚蝦而敢必金波淜湃何知亭毒之機鋟颶嶙峋宛助飛騰之勢伏冀錦裘繡帽雲馬飈車逐彼冤魂銷其慘氣倘屬庶司之咎宜專懲創以極刑難令閭境之逃猶願挽回乎厄運陳牲牢而設酒醴祝精靈殄滅驅除鳴金鼓以揭旌旗助士女瘞埋捲掃禍豈無因而頓至事殊有急而相求念切民依狀真神役用敢焚梅檀於嶺外薦蘋藻於田間各矢精虔伏祈昭鑒豈有

鳳凰可啄便爲蛟蝶何如退或隨風來偏墮水倘別示  
英靈赫濯敢驚鶻鵠之飛林苟頓令饑餧豐穰當並好  
坊而立廟尙饗

辛亥小除夕祭竈文

粵自淮南稱黃帝之神小戴紀臧孫之祭五行德備孟  
夏時良李尤則造火曾銘漢武果得金宜壽陰子方祀  
當臘日漸卜繁昌葛稚川書著內編始言罪狀祭原老  
婦特庇乎盆瓶治僅庖人匪越乎樽俎維神用推創物  
功著壽民威靈咸懾乎君王眷屬却偕乎兒女乘陰陽  
以交嬗作冬夏而兼能尊據上台醉仍司命某飲同飄  
鼠飛似連雞鳩豈方於鵠巢鴻幾離乎魚網盟要白犬  
譖止青蠅業湔雪而已勞仍棲皇而靡定諒邀洞鑒獲  
弭危機笑生平本不如人至禱祀尤當罪已分來利市

范致能囑勿復言論到文章羅昭諫知原不值吉凶憑汝仍拘僧道行之書功過錄人敢沿陸魯望之解溯自少嗟孤露未因比舍之炊偶作詩騷或訶騎兒之跨而乃徒知守黑未許還丹屢欲焚書仍聞煮字載漁舟而睹墅久作白衣負雞次以渡江未聞黔突其不及人者一也養志事親仍冀三牲之奉遠游有婦能令雙鯉之來又復共助作搏旋驚夢白滅火更聞而共笑疾風猝起以先吹經案孤吟點新茶而抵藥俸錢營奠仰落葉以添薪其不及人者又一也從無鬼卒鑄燕國之橫財誰在仙都羣元公之香飯廚非櫻筍會止茶瓜白雞既

祀而依然黃羊欲烹而難得王劭非爲散騎恒對食以  
耽書裴植未刺滄州早同居而異爨忽增猶賈訥忽減  
似孫臏其不及人者又一也弔喪請客業憑處士之譏  
都尉中郎一例通侯之貴乃復徙薪有策煨芋無緣飫  
但羨乎雙弓居然足食烹仍妨乎五鼎原屬解嘲輔相  
作梅久無其夢英雄種菜亦匪其倫其不及人者又一  
也落落乾坤升沉早定堂堂歲月俯仰彌慙卽懺悔之  
已遲仍纖悉以相告才非阮籍慣詣竹林達豈陶潛不  
入蓮社索郎有顧麴部誰封謂一蟹之不如與三驂而  
對飲李元忠庭除蕪曠擁被夷然顏延年里巷遨遊據

鞍亦索奚煩荷鋪屢欲塗糟

某

之罪一也未戢酒兵誰

呼脯豫輒具十人之餧業飽五侯之鰆東海釣鼈南山

射虎遺民作鱠或造張元希樂乞鬻未逢夙悅飫五湖

之蝦菜吞九陌之麌花魚尾猩脣髦殘象白未妨大嚼

任笑老饕

某

之罪二也樞機宜密獨推喉舌之司畛域

已分尤厭齒牙之諭顧乃蛙方產而輒鳴雀同處而亂

噪起羞原易出好綦難屢作鳩盤荼之詩不守摩兜堅

之戒親同肺腑無忘轢釜之言誰學癡聾宜念據觚以

聽

某

之罪三也黃門詣人但覓好竹平原入座乃問胡

盧且食蛤蜊並舞鵝肚如內翰豈合時宜腹似周侯

難容卿輩狂猶向棚坐板屋而不恒懶比嵇康鎔水村

而稍傲煬倍疾乎彌子媚肯答乎王孫某之罪四也嗟

嗟計莫苦於謀生術未工於游世豈徒概於四者固當

罹此百憂具有因緣難逃考察伏願聰明正直教誨生

成念先代之仁慈憫闔門之幼穉特加諒宥曲爲矜全

際此爆竹喧閨桂花芬馥永祈吉利當學圓通虔具美

酒三升清茶一蓋豆沙粉餌野菽山肴香篆煙濃宛然

鏡聽紙錢灰散謹侑觴行神絃載譜以送迎詩稿並陳

而祭祀殊可之乞巧之對異柳州送窮之文愜奢願則

避債無臺結古懽則消寒有局不聞不見敢言五嶽之

游無難無災更保廿年之算神如老衲明業報以相敲  
我亦蕭琛享餕餘而復醉

丁巳二月禱海神文

夫雷霆霜雪無非覆載之恩刑罰征誅仍是生成之用  
惟神依太虛含元氣潮汐生於呼吸風雨任其指揮彌  
綸原亘乎八荒潤澤僅及乎千里然則滌濯神之功也  
撞擊亦神之功也灌漑神之功也廓清亦神之功也茲  
逆夷英吉利國非師子豈有龍居山亦婆彌慣與狼戰  
巨魚宜觸船廣似魚回鶻敢稱兵捷非鶻偏使毒霧瀰  
漫腥風激射久游魂而放命仍吮血而磨牙獲鯉敢信  
爲刀像虎真能蔽火何日始成京觀仍戴髑髏震雷如  
燒浮圖敢鬥霹靂遑言君子合化蟲沙曾冒外孫儼浮

魚鼈假令馮夷整轡罔象著鞭列缺助威豐隆逞怒銷  
鎔勝三月之火排決抵千人之軍牙檣鎗軸非無洚水  
之灾矛穴弩窓豈有劫灰之贖赤虹亘海鎗颶摧山當  
亦率土所快心吾人所同願耳經百戰之小懲知獨檣  
之疊警而乃根株未滅萌蘖猶存恐滋蔓之難圖慮積  
薪之彌甚廩君幾死魂猶白虎之兇奏國舊盟語豈黃  
龍之誕往來抄掠搆釁稱兵沛然火艦風船偶聞落漈  
堅豈明膠石蜜儼賦觀濤豈神猶未厭亂耶爰仿昔賢  
迎送潮辭以當神弦之曲輕絳誰織圖非潘闡之間強  
弩可移助以錢鏐之射前子胥後文種共忧威靈內中

國外百蠻原資控禦其辭曰

雷聲殷殷兮天四圍車旂兵馬兮綠魚羣飛梯航萬里  
兮海潮沸銅薄舟兮蛟龍可畏神之靈爽兮式憑風濤  
淜湃兮若螺安避久參粵兮合市通豈有自鬻前導兮  
礮火宵紅樓艤消滅兮神之功神未敢居兮歸之太空  
早潮生兮暮潮退戈船安往兮無定在消息遠來兮東  
風苦寒詣祝融祠兮望海門天無雨兮聞畫角潮打空  
城兮偏寂莫廢壘未摧兮戰場鬼哭空山蒼莽兮斜陽  
灌木叩銅鼓兮海門遙海潮還兮烽烟早消

祭伊莘農相國文

代

嗚呼哀哉月沈東壁星隕中台玉魚符驗甲馬聲催圖  
形巷哭弊面人來功名遂古觴詠誰陪東海揚塵西州  
坼石鐘萬依然川原永隔政守袁滋像遺凌策鶴雁紛  
來犬羊先刺嗚呼哀哉公生 皇族翊 帝原宜韜鈴  
屑讀方略曾窺文書獨省公輔相期學究天人材兼文  
武捫蠡猛談聞雞逖舞幼擢甲科政襄戎府鎮定誰如  
澄清可覩苗民逆命臣夙知兵旌旗有色刁斗無聲望  
同元凱功亦管平都典一方厯居外相按部登車擢官  
移帳吳越威稜晉齊保障績效風猷廉明仁讓酒載習

園詩賡謝舫滇池重蒞寶總師干德洋恩溥色正芒寒  
家無站屣野絕探丸蠹爾逆苗囂然盛世兩地綏懷孤  
單翠衛封豨革心連雞失勢犯鳥蠻花蛇妖蠶蠭大將  
麾幢中軍旗鼓一道周知兼旬安撫望峻中朝譽隆百  
辟犀帶金章繡裳赤舄八詔雙旌兩江三載錦綵疊頒  
珠犀誰索七鎌拊循八州閼歷島夷不靖剿撫恭難侈  
言經濟竊痛凋殘明珠致謗白簡庸彈中外傾心保衡  
動色惠洽遠人愛留絕域分閩之才安邊之職預籌成  
敗端繫安危軍儲早辦邊事深知謀參將相望慄華夷  
勲總十連班仍八座簡在帝心具原王佐地重六朝

臣唯一个蠻酋桀黠瀕海毗連重臣出將元老籌邊攻  
心爲上擊首奚先一人鎮撫十省安全濃香夾道幪布  
堆筵宋有鄭公唐惟郭令利病灼然威靈遐聽百粵遠  
來諸蠻宜定贐琛無恙文軌原同咸呼老子敢撓侍中  
珠厓銅柱朔雪炎風材如馮鄧政巍黃龕嗚呼哀哉痛  
倍逝川悲深藏壑抗表仍聞題碑誰託峴嶼節樓蕭條  
鈴閣五嶺無光九原可作嗚呼哀哉卧護剛留偏聞永  
訣一鴈空飛萬羊誰屑斟菽葉拋綠沈瓜轂嗚呼哀哉  
萬亮營空祭彤墳在風調何如獻酬能待勲業長存法  
程庸改嗚呼哀哉

代同人公祭梁矩亭京兆文

惟靈望齊清獻材儼鬱洲書亡三箇鏡掩千秋延年乏  
丹砂之非憐才踰白雪之樓芙蓉城遠文杏坊留虎賁  
之思同於孔北海名士之中愈於陳太邱銘存思舊賦  
擬通幽風雷易感江漢同流嗚呼哀哉伯鸞家世偉節  
才名比四皓而夙慧擅一餐之雋聲俄驚懸絕合許崢  
嶸吏部軒屢過昌谷孝廉船同覓張憑京邸卅年公車  
十度元暉著詠有青苔紅藥之吟顧况夙知唯野火春  
風之句賦筆揚雲史才班固芸閣典裁槐廳撰著返里  
暫假省親至榮謂衣繡其誰屑疑掛帆而偶停蓼義竟

廢苞枊仍賡獲瞻含殮足慰生平嘗藥固慎附棺必誠  
僉曰考終之福實覩純孝之徵致鶴弔之奇殆關感召  
卜牛眠之吉原極專精笑遷轉於班聯憶趨翔於殿閣  
賦拙宦而夷然思熟官而亦作學如鄭灼之鎮心談比  
朱雲之折角臺端則儀望俱華戶限之功名轉樂十聯  
詩寫誰似徽之一品集編爭期衛國宜操玉尺合典珠  
衡奉楚南特節之命紀秦中乘傳之行星輶靜謐冰  
鑑空明任雪霽龍門張醺敢憑歐九俟月明牛渚聽詩  
乃賞袁宏薑桂殆由本性芳馨原有定評諫惕官箴典  
仍國郵事涉宮閨分殊匹敵臺省可知保衡尙默

攬韓琦之讜言具呂端之遠識遂酌定平喪儀足闡揚  
平孝德捧日之誠格天之力三載乃安百僚是式

武周達孝通微合漠之忱中外翕然補闕拾遺之職都  
典一方拊循三輔續姪婁黃望尊羊杜寇恂之儕無因  
廉范之來何暮升沈莫問君平局量原如叔度爭龍之  
御史雜真射虎而將軍乃故卽與臣餌而同升敢薄淮  
陽而臥護我紱子佩外脩內型聯珠有集腰鼓誰稱譽  
同軾轍槩紹章平數百年之耆舊萃五管之英靈豔科  
名之盛事證福命於前生舊價則文留於鸞旛清陰則  
澤溥乎鯉庭嗚呼哀哉東海揚塵西州坼石竟驂鸞兮

不還縱下馬兮何益露電溘如關山無極白雞灾祥青  
驃信息如此風神翛然心迹壽開七秩學早與於斯文  
足但一夢廢復鍾夫速璧業全福之備膺且脩名之既  
立太息孟襄陽之去天地蕭條遠聞房太尉之歸風烟  
宿昔牀彈法護之琴門扣羊羣之策茂陵之書待求有  
道之碑旋勒嗚呼哀哉某等或耐久交深或齊年誼篤  
或同作窩公或居鄰比屋或申以婚姻或愛如骨肉竊  
冀還丹顏歌采綠游蹤琴劍慣諭恨芊之綠夢境簪裾  
殆結拈花之局看鏡熟名送燈風俗君以上元前  
三日長逝遠道音書明廷奏牘一尊相對眷言排日之歡一筆容勾

仍念舉家之哭嗚呼哀哉鳳麟遠勝鶴雁紛飛執法華  
而竟逝殉堯典以能知臺憶黃金而遽訃樓成白玉以  
奚爲宣室之談了悟靈洲之到依稀頌獻椒花艷傳生  
日羹調範菜曾訂歸期倘思范式之來素車白馬共設  
橋元之奠斗酒隻雞五嶺有光比張曲紅而不愧九原  
可作與隨武子以同歸嗚呼哀哉

省闡增修號舍建水陸道場祭屯兵時亡鬼文代  
竊以不生不滅居然忠義之魂何慮何思敢傍文昌之  
宿匪戰場而共弔殆極哀憐業此地之能來無難解脫  
我粵東省闡號舍原恩造士孰令屯兵迭有喪亡不無  
傾圮加以是非難定功罪釐然在枉死者尤痛其沈淪  
知能文者均期其點化茲捐貲增修道員潘仕成委辦  
教職責元章曾銘勲譚瑩等聞法鼓以虔趨冀禪燈之  
普度華嚴劫換文字緣慳如夢幻泡影之俱空仍生老  
病死之無別庶幾去來今世咸依佛地之莊嚴巍然解  
會狀班併祝龍天之輩護謹疏

黃君石溪墓表

風節文章兩無所愧援據著錄一要可傳管公明之壽不如桓君山之論誰續死如可作與隨武子以同歸疾竟難瘳信趙臺卿之無命嗚呼痛哉君諱子高字叔立號石溪番禺人曾祖佐侯祖宏進以父任享里黨稱鶴圃先生者援例候選布政司經歷加二級父祖俱贈奉直大夫鶴圃先生娶於陳妾陳仇湯生子六君其四子也仇太僕人出夙志早成篤行淳備求衣就學屑瓦鐫文小人可與作緣閭室恒持操檢內化宏微之讓共稱曇慶之才年二十一補博士弟子員聲華藉甚福慧能

兼原餘事以作詩人本大才而推賦手袁峻自寫朱昇  
不廉雅擅詞章益研經史琴尊兩地慣依彌勒以同龕  
花藥一庭特緣求仲以開逕漸富儲藏特精讎校邢邵  
之讀已遍轉思誤書任昉之家不貧率多異本畧分部  
錄尤重鄉邦桑梓彌恭瓣香原屬漢唐以降巋然海內  
之靈光文獻無徵永祝此身之健在各體書工羣推小  
篆李湖親筆字值百金徐鉉中鋒墨見一縷徧收唐帖  
兼喜晉甄石研素琴法書名畫尊罍彝鼎刀劍敦槃所  
謂此既異物以奉異人者固不獨擁書萬卷何假南面  
百城矣儀徵師相督粵開學海堂課士韓筆杜詩亦分

餘技崔精劉博孰許兼材質不過儒麗不傷俗何遜之  
評也旣有寒木亦有春華顏之推所訓也人言無間君  
固慊如旋補學長提倡之功實推居首焉學使翁遂庵  
師尤激賞之早食廩餼歲戊子以優行第一人貢太學  
詡之以英靈所萃期之以著作之材劉孝綽之詞藻好  
事業共流聞李神儔所交游才子咸將宗附觀察西津  
盧公都統楚江奕公各思入座以抗談止效式闇而展  
敬其室則邇其人甚遠以今方昔豈非名賢者歟生平  
雅重然諾特鮮往還篤嗜縹緲顧耽麴蘖豈必遨遊里  
巷顏延之得酒頽然肯教蕪曠庭除李元忠對壺獨酌

而君之疾緣此始矣友愛特深風流頓盡哀同子敬人琴業已俱亡窮似王微圖籍豈能相慰蓋自哲畢雪客茂才之死而君之意興蕭然矣剛論大衍竟殞少微愴絕過黃公之壚何地覓要離之冢嗚呼痛哉瑩神交阮

籍兄事袁絲謂小極之不妨擬大哀而共賦念彌年之嘆逝惜知己之無存誰冥北海之文忍叩西州之策若廖羽臯大令吳石華廣文儀墨農侯君謨兩孝廉居少梅胡稻香兩茂才皆君素交而梁明經子春先生者又君同年友也孝經在手堯典同棺曾幾何時又弱一个素車白馬僅留范式之來斗酒隻鷄永憶橋元之戲嗚

呼痛哉君生於乾隆甲寅年九月二十日卯時卒於這  
光己亥年六月初九日子時年四十有六著有石溪文  
集二卷知稼軒詩鈔五卷續三十五舉一卷粵詩蒐逸  
四卷娶劉氏子四長蒙泰次聚泰次漸泰次頤泰出嗣  
哲舉雪客茂才女三長適劉茂才錫章餘未字卽以是  
年十一月初三日某時葬於某山之原以望知君最深  
特屬爲墓道之表嗚呼文遺封禪而誰求傳署醉吟而  
待刻更無王粲之客鳴笑學驢宛然董相之陵過必下  
馬李賀將死果詔玉樓而撰文傳奕蹶然預卜青山而  
志墓竊愧中郎之碑版宜讀平仲之楹書嗚呼痛哉

莫烈女墓碣

代

昔安定張芝適期年而始寡丹陽羅靜壽六秩而仍存  
足徵匪石之忱定矢靡笄之操然而忠臣許國委質難  
逃義士立孤捨生尤重風霜集霰梅含萼以彌芬天地  
窮陰草拔心而卽死若今陽江縣某鄉莫烈女者良足  
紀焉烈女者歲貢秩炳之女孫而舉人官八旗教習鴻  
猷之次女也賢於徐淑才亞左芬夙習詩書尤工翰藻  
幼許字同邑生員張順家之子煥典共推門第恰比朱  
陳况似神仙定如葛鮑而乃折花自劇蒙楚先歌寶扇  
未迎玉棺遽下青鸞信息易遞香臺黃鵠悲哀思同漆

室女原非婦逕脩謁廟之禮儀壻自當卿盍代登堂之  
供養祖父母及母以其父作官都門未之許也已而遠  
道書回嚴親願慰父非竇毅忍重開孔雀之屏婦匪韓  
憑冀同葬鴛鴦之家而祖父母及母仍憐其幼也語原  
鄭重役竟遷延石爛海枯天荒地老抱茫茫兮此恨期  
緩緩以同歸矣嗟嗟香爇女兒未營薄奠帖裁新婦屢  
達重闈却粉黛其誰容撤瓊環而不嫁乃聞別訂良姻  
重尋佳對赤繩難繫紅縷誰牽本甚激昂幡然決絕姐  
娥靈藥杯有影其誰疑幼婦色絲璧無瑕而竟碎羅敷  
夫天誰歌陌上之桑王整姊同願作墓前之柏常留仙

早撤榮膺表闈版築親加哀感行路遭逢迴別志行原  
同嗚呼一女可傳慰甚異荆棺之峽雙親猶在巋然建  
梅治之祠乃作誄曰

系溯夢松才工賦茗霞采和光月華儼影言歸於管未  
識高堂先炊課績伴讀添香嫁異嬰兒養均愛子爭願  
假年忍令代死孝慈厚薄名教興衰誰邀綽楔迺出房  
幃言念舅姑業回天地理壹彭殤痛關時世椿萱守護  
荷菊凋零侑觴猶待轉轂誰停殂謝有期分明可計竟  
闕光靈早拌永逝阿侯誰字老父皤然緹榮遽別弄玉  
疑仙傷往粵山述哀閩海寶瑟已僵鐵簪仍在大雷無

書莊露同歌車迎衛女碑勒曹娥嗚呼痛哉

樂志堂文集卷十八